

2
infidelium , non ita pridem ad CHRISTI fidem conver-
forum progenie refertis constitutæ , lectores fide , & erudi-
tione probatos , ad aliorum instructionem , & sanæ doctri-
næ conservationem nanciscantur , ac eisdem lectoribus pro
suis necessitatibus , fructuosique corû instituti prosecutione,
& exercitio congruæ subventionis auxilia favorabiliter sub-
ministrantur.

En Pabor-
dia de Fe-
brero.

§. 1. Dudum siquidem omnia officia , cæteraque benefi-
cia Ecclesiastica apud Sedem Apostolicam , tunc vacantia ,
& inantea vacatura , collationi , & dispositioni nostræ refer-
vavimus , decernentes ex tunc irritum , & inane , si se-
cus super his à quo quam quavis auctoritate , scienter ,
vel ignoranter contingeret attentari. Cum itaque post-
modum Præpositura mensis Februarij in Ecclesia Val-
entin. per liberam resignationem dilecti filij Thomæ de
Borja , Canonici Ecclesiæ Toletan. & nuper Præpositi men-
sis Februarij in dicta Ecclesia Valentin. de illa quam tunc
obtenebat , in manibus nostris sponte factam , & per nos ad-
missam , apud Sedem præfatam vacaverit , & vacet ad præ-
sens , nulliusque de illa præter nos , hac vice disponere potue-
rit , sive possit , reservatione , & decreto obstantibus supra
dictis. Et sicut exhibita nobis nuper pro parte dilectorum
filiorum Consulium Juratorum , Rationalis , & Syndici Ci-
vitatibus Valentin. petitio continebat , ex duodecim singulorum
mensium Præposituris , olim in dicta Ecclesia Valentin. pro-
toridem Præpositis , qui annuatim fructus , redditus & pro-
ventus eiusdem Ecclesiæ Valentin. Mensæ Capitularis re-
colligerent , ac inter illius Canonicos pro tempore residen-
tes , iuxta certam taxam ad id præscriptam singulis mensi-
bus distribuere institutis , dicta Præpositura mensis Fe-
bruarij sola ibidem remanente , omnes aliæ aliorum men-
sium Præposituræ huiusmodi , pridem Apostolica auctori-
tate perpetuo suppressæ & extinctæ , illarumque fructus , red-
ditus , & proventus , prædictæ Mensæ Capitulari dicta au-
toritate etiam perpetuo applicati , & appropriati fuerint ,
ac ex fructuum , reddituum , & proventuum Mensæ huius-
modi augmento ipsius Ecclesiæ Valentin. Canonici decen-
tem eorum gradum commodè sustinere possint.

1617011

§.2. Vniverſitas vero Studij generalis Valentin. à ſel. rec. Alexand. Papa VI. prædeceſſore noſtro, ad quarcunque perſonarum, tã Eccleſiaſticaꝝ, quam ſecularium, in Theologia, utriuſque Iuris prudentia, Medicina, & Artibus Liberalibus, ac quibuſvis alijs licitis facultatibus inſtructionem, & profectũ inſtituta, propter illius redditũ, & proventuũ quingentorum duc. auri de Cam. ſec. communem extimat. valorem annum non excedentium tenuitatem, tantis neceſſitatibus, & anguſtijs prematur, ut neque competentem mercedem ſingularum facultatum huiuſmodi lectoribus præſtare, nec multorum aliorum onerum illi iugiter incumbentium gravitatem ſuſtinere poſſit, & exinde utriuſque Iuris prudentiæ lectiones ibidem ſaltem ex profeſſo, hæcenus haberi commode non potuerint, illiuſque Regni indigenæ harum uſu, & comodo deſtituti, deſideratos in huiuſmodi facultatum ſtudijs progreſſus conſequi nequant, vel pro illis capeſſendis ad alias longinquas, & remotas Studiorum generalium Vniverſitates, non ſine magno perſonarum, ac rerum ſuarum incommodo, & diſpendio ſe transferre cogantur, quin etiam in univerſo Regno Valentix, quod præ cæteris Hiſpaniarum Regnis, Mauroꝝ noviter ad fidem converſorum multitudine refertum ac ſpectatæ fidei, & doctrinæ virorum copia, pro iſtis Mauris, & infidelibus ab Religionis, & fidei Catholice cultum convertendis, ac converſis in eadem Religione, et fide inſtruendis, & confirmandis, maximè indigere dignoſcitur, nullum Seminariũ à locorum Ordinarijs, iuxta formam Concil. Trid. hucusque inſtitutum exiſtat, ſi dicta Præpoſitura menſis Feb. quæ nullum amplius ibidem ſervitium, aut obſequium requirit, perpetuo ſupprimeretur, et extingueretur, ac ex illius ſic ſuppreſſæ, & extinctæ fructibus, redditibus, & proventibus decem & octo aliæ Præpoſituræ, in eadem Eccleſia Valentin. pro totidem Præpoſitis Cathedraſticis nuncupandis, qui apud eandem Eccleſiam Valentin. reſiderent, ac in illius Choro Miſſarum ſolemnibus, & alijs divinis officijs aſſiſterent, quorumque ſex Theologiam, et alij ſex Canonica, reliqui autem ſex Civilia iura, inibi in totidem publicis d. Vniverſitatis Cathedris, eis ad id aſſignandis, pro una vi-

Alexandro VI. inſtitu-
ye la Uni-
verſidad de
Valencia, cu-
ya tenuidad
de frutos,
no baſta à
los ſalarios
de los Ca-
thedraſticos,
de que re-
ſultan mu-
chos daños
que aqui ſe
teſieren.

4
 delictet matutinis, altera vero partibus Præpositorum huiusmodi pomeridianis horis, legere, & interpretari teneantur, ex hoc profecto nedū ipsius Eccl. Valentin. dignitati & decori, ac divini cultus, ministrorumque & beneficiorum Ecclesiasticorum in ea augmento consuleretur, verum etiam in ipsa Vniversitate literarum studia, per amplius propagarentur, ac doctissimorum, & in huiusmodi facultatibus exercitissimorum virorum concursus, pro ipsis lectionibus habendis, in dies maior fieret, eorumque opera, eruditione, & doctrina, tam dicti Regni Indigenæ in patrio solo, absque longo peregrinationis labore, quam undecunque advenientes, ibidem tanquam vberissimo sacrarum, ac aliarum optimarum scientiarum Seminario, in Theologiæ, & vtriusque Iurisprudentiæ facultatibus huiusmodi iniriui, & edoceri, seque in illis exercere, ac tandem emeritos gradus, & honores consequi, necnon Reipub. decori & ornamento, sibi que & alijs vtilis esse possent.

La Ciudad de Valencia suplica, que la Pedagogia de Febrero se aplique à las Catedrales.

§. 3. Quare pro parte Consulium Iuratorum, Rationalis, & Syndici præfatorum asserentium, Vniversitatem prædictam, eorum cura & gubernio maximè dirigi, ac illius professorum, Lectorum, Præceptorum, Bidellorum, aliorumque officialium, & ministrorum electionem, & deputationem, necnon publicatum Cathedrarum huiusmodi, ac salariorum, & mercedum assignationem, atque distributionem, ad se & nonnullos alios de ipsorum consilio existentes pertinere, ac dictæ Præposituræ mēsis Febr. fructus, redditus, & proventus, qui omnes pro vna videlicet, Petro Ludovico Galcerando, etiam de Borja, Magistro Militiæ S. Mariæ de Montesa, & S. Georgij Cisterciens. Ord. in dicto Regno Valentia instituta, pro altera verò illorum mediocritatibus Io. similiter de Borja, Præceptorum, Præceptoris maioris d. Militiæ ipsius Petri Ludovici nato, ex dispensatione Apostolica, necnon super eisdem pensio annua ducentorum m. ducat. auri de Cam. Petro Ferrà pariter de Borja Clerico, dilectis filijs, illos & illam annuatim percipientibus d. auctoritate reservati existunt, quatuor millium, & quadringentorum duc. auri similium secundum extimat prædictam valorem annuum non excedere, nobis fuit humiliter supplicatum,

rum, quatenus præmissis, ac aliis infra scriptis annuere, et desuper opportune providere, de benignitate Apost. dignaremur.

§. 4. Nos igitur, qui dudum inter alia volumus, quod petentes beneficia ecclesiastica aliis uniri, tenerentur exprimere verum annum valorem sec. extimat. præfatam etiam beneficii, cui aliud uniri peteretur, alioquin unio non valeret, & semper in unionibus commissio fieret ad partes, vocatis quorum interesset, quique hodie reservationem medietatis fructuum, reddituum, & proventuum Petro Ludovico factam huiusmodi, quoad summam quingentarum librarum monetæ Valentin. dumtaxat eadem reservatione, quo ad reliquam partem medietatis fructuum huiusmodi, ipsi Petro Ludovico, salva & illæsa remanente, eiusdem Petri Ludovici ad hoc expresso accedente consensu, cassari & extingui, cassamque & extinctam fore, & esse decerni, ac prædicto Thomæ partem fructuū, reddituum, & proventuum supressæ Præposituræ mensis Feb. huiusmodi cassatæ similem, quæ ad valorem annum dictarum quingentarum librarum ascenderet ex tunc, ita tamen, quod omnes & quæcunque aliæ assignationes sibi per d. Petrum Ludovicum ex huiusmodi fructibus, redditibus, & proventibus, hæcenus quomodolibet factæ etiam cassæ & extinctæ essent, & esse censerentur, nec dictus Thomas quicquam ultra quingentas libras huiusmodi à Petro Ludovico, & Io. prædictis, ex fructibus, redditibus, & proventibus eis reservatis huiusmodi, quovis etiam alimentorum, vel congruæ sustentationis prætextu prætere, ac huiusmodi partem, quæ ad summam quingentarum librarum similium dumtaxat ascenderet, simul vel successive, in toto vel in parte in d. Curia vel extra eam, etiam in mortis articulo, vel alias quocumque sibi placeret, etiam absque aliqua literarum Apostolicarum desuper conficiendarum, ac præsentium insinuatione vel præsentatione, in unam vel plures personas Ecclesiasticas, etiam quæcunque, quotcunque, & qualiacunque beneficia Ecclesiast. obrinentes, & expectantes per eundem Thomam nominandas absque Præpositorum Cathedralium prædictorum, vel quorumvis aliorum desuper præstando, vel requirendo consensu, transferre

Concede el
Papa la pe-
ticion.

valeret ; reservari concedi , & assignari , necnon Consulibus
 Iuratis , Rationali , & Syndico prædictis , omnes & singu-
 las expensas in supplicationis per nos super præsentibus gra-
 tijs signatæ , ac desuper conficiendarum , & præsentium li-
 terarum expeditione pro tempore factas cuiuscunque sum-
 mæ , & quantitatis forent , absque eo quod quicquam à Tho-
 mæ , & Petro Ludovico , ac Io. & Petro Ferra prædictis re-
 petere possent , solvendi , & præstandi licentiam largiri cō-
 cessimus ; Consules Iuratos , Rationalem , & Syndicum præ-
 dictos , eorumque singulos à quibusvis excommunicationis ,
 suspensionis , & interdicti , alijsq. Ecclesiasticis sententijs , cen-
 suris , & pœnis , à iure vel ab homine , quavis occasione vel
 causa latis , si quibus quomodolibet innodati existunt , ad
 effectum præsentium dumtaxat consequendum , harum se-
 ric absolventes , & absolutos fore censentes ; huiusmodi sup-
 plicationibus inclinati prædictam Præposituram mensis
 Febr. quæ inibi beneficium , seu officium simplex , aut per-
 sonatus vel administratio existit , & personalem residen-
 tiam non requirit , sive præmissa , sive alio quovis modo , aut
 ex alterius cuiuscunque personæ , seu per similem resigna-
 tionem dicti Thomæ , vel cuiusvis alterius de illa Rom.
 Curia , vel extra eam , etiam eorum Notario publico , & tes-
 tibus sponte factam , aut affectuionem alterius beneficij Ec-
 clesiastici , quavis auctoritate collati , vacet , etiam si tanto
 tempore vacaverit , quod eius collatio iuxta Lateranen. Sta-
 tuta Concilij ad Sedem Apostolicam legitime devoluta ,
 ipsaque Præpositura mensis Febr. dispositioni Apostolicæ spe-
 cialiter , vel alias generaliter reservata existat , & super ea in-
 ter aliquos lis , cuius statum præsentibus haberi volumus
 pro expresso , pendeat indecisa , dum modo eius dispositio
 ad nos hac vice pertineat , dicta Apostolica auctoritate te-
 nore præsentium perpetuo supprimimus , & extinguimus ,
 ac illius & aliarum suppressarum Præposituram prædi-
 ctarum loco , in d. Ecclesia Valentin. decem & octo alias Præ-
 posituras , quæ ibidem simplicia officia , seu beneficia existant ,
 ac etiam per Canonicos dictæ Ecclesiæ , seu dignitates , aut
 Capellanias , vel alia simplicia beneficia ecclesiastica ibidem
 obtinentes , etiam una cum ipsius Ecclesiæ Valentin. Cano-

7
nicatibus & præbendis, seu dignitatibus, vel Cappellanijs, aut alijs beneficijs huiusmodi absque dispensatione Apostolice obtineri possint, pro totidem Præpositis, sex videlicet primarijs, & sex secundarijs, ac reliquis sex tertiarijs Cathedraliticis nuncupandis, qui habitum & insignia per olim Præpositos mensium huiusmodi deferri solita gestare & deferre, ac ad illorum instar stallum in Choro, necnon locum in processionibus, ceterisque actibus publicis, & privatis, omnibus & quibuscunque (non tamen capitularibus) dictæ Ecclesie Valentin. immediate post illius Canonicos, iuxta ordinem ad id eis præscribendum habere, necnon apud dictam Ecclesiam Valentin. residendo, & divinis officijs interessendo, omnibus, & singulis distributionib. quotidianis, tâ diurnis, quam nocturnis, alijsq. iuribus, obventionibus, & emolumentis, in quibuscunque rebus consistentibus, & quocunque nomine nuncupatis (non tamen ex fructibus, redditibus & proventibus, aliarum undecim Præpositurarum huiusmodi prædictæ mensæ Capitulari applicatis, & appropriatis provenientibus) necnon privilegijs, indultis, facultatibus, honoribus, præminentijs, prærogativis, exemptionibus, immunitatibus, libertatibus, ceterisque gratijs, tam spiritualibus, quam temporalibus, quibus Præpositi mensium huiusmodi, qui pro tempore fuerunt, ratione dictarum Præpositurarum suppressarum, apud ipsam Ecclesiam Valentin. residendo, & divinis officijs interessendo, frui, potiri, & gaudere poterant, & debebant pariformiter, & absque vlla prorsus differentia uti, potiri, & gaudere possint & debeant. Et quorum sex in primis, & alij sex in secundis, ac reliqui sex in tertijs singularum facultatum Theologiæ, & utriusque Iuris prudentiæ huiusmodi Cathedralis eis ad id assignandis easdem facultates, pro una videlicet maturinis, altera vero medietatibus decem & octo Præpositorum huiusmodi pomeridianis horis publice legere, & interpretari teneantur auctoritate, & tenote præfatis, etiam perpetuo erigimus, & instituímus.

¶ 5. Illisq. sic erectis, & institutis, pro earum dote ac illas pro tempore obtinentium sustentatione, omnia, & singula fructus, redditus, proventus, iura obven. & emolumenta sup-

Instituye diez y ocho Pabordes, seis primarios, seis secundarios, y seis terciarios, con obligació de leer Theol. Canones, y Leyes en la Universidad

Concede à los Pabordes insignias Canonicas, lugar en el Coro, y demás actos de la Iglesia inmediato à los Canonicos (exceptos los Capitulares) y las preeminencias de los Pabordes antiguos.

al primitivo ob servat Quot pol, emon huciq. U ob servat no poverit el del.

Asignales la dote, y concede al Cabildo la administracion de los fru-

frutos de la Pabordia, y de la forma de distribuirlos.

Concede á los Padres de los Canonicos, y de los otros de la Iglesia de la Pabordia, y de los otros de la Iglesia de la Pabordia, y de los otros de la Iglesia de la Pabordia.

Concede á los Padres de los Canonicos, y de los otros de la Iglesia de la Pabordia, y de los otros de la Iglesia de la Pabordia, y de los otros de la Iglesia de la Pabordia.

Prescribe la forma de elegir un Canónico, ó Dignidad en Rector de la Universidad.

Prescribe la forma de elegir un Canónico, ó Dignidad en Rector de la Universidad.

pressa Prapositura mensis Feb. huiusmodi per dilectos filios Capitulum dictæ Ecclesiæ Valentin. inter Prapositos Cathedraicos præfatos tantummodo, & forma infrascriptis distribuenda, & repartienda, eisdem auctoritate & tenore similiter perpetuo applicamus, & appropriamus. Quodque omnia & singula, fructus, redditus, proventus, iura, obven. & emolumenta suppressæ Praposituræ mensis Feb. huiusmodi, deductis prius illius oneribus quibuscunque & salvis omnibus supradictis, in duodecim æquales partes, ac ex eis quinque inter Primarios, & alia quatuor inter secundarios, ac reliquæ tres partes huiusmodi inter Tertiarios Prapositos Cathedraicos præfatos proportionabiliter à prædictis Capitulo singulo quoque quadrimestri ut præfertur dividi, & repartiri debeant. Ita tamen, quòd eorum singuli pro cuiusque lectionis sibi incumbens omissione legitime impedimento cessante, ratam partem portionis, quæ illius ratione factò iusto calculo, alias ad ipsos pertineret, omnino amittant, illaq. per Censorem, seu punctatorem ad id pro tempore deputatum retineri, ac pro una Rectori Universitatis, & alia ipsi Censori, seu Punctatori, reliqua vero partibus Cõfraternitati pauperum Scholariù d, Universitatis irremissibiliter applicari debeat. Si vero Rector, aut Censor, seu Punctator præfaturâ partē eos tam gentē acceptare recusaverint, eadem d. Cõfraternitati cedat.

§. 6. Et quia singulis triennijs unus ex Lectorib. Cathedraicis dictæ Universitatis in illius Rectorem per Consules Iuratos, Rationalem, & Syndicum, ac nonnullos alios de eorum consilio existentes præfatos, hætenus eligi consuevit, & ex longo rerum usu compertum sit non expedire, ut dictus Rector, à gremio lectorum Cathedraicorum huiusmodi assumatur: quod ex nunc de cetero perpetuis futuris temporibus, pro tempore existentes Consules Iurati, Rationalis, & Syndicus præfati, & alij ad quos electio huiusmodi pertinet, unum ex Canonicis dictæ Ecclesiæ Valentin. seu aliquam illius Dignitatum obtinentibus, non tamē de premio Prapositorum Cathedraicorum præfatorum existentibus, in Rectorem eiusdem Universitatis de triennio in triennium, cum omnibus & singulis honoribus, si-

voribus, gratijs, prærogativis, præ eminentijs, facultatibus, iurisdictionibus, libertatibus, privilegijs, exemptionibus, immunitatibus, gratijs, oneribus, & emolumentis pro tempore existenti Rectori dictæ Universitatis de iure, vel consuetudine, aut ex privilegiorum, tam Apostolica, quam Imperiali, & Regia auctoritatibus concessio, aut alias competentibus, & competituris, eligere debeant. Ipseque sic electus triennio sui Rectoratus elapso, in eo continuari seu confirmari, aut ad aliud triennium immediate subsequens iterum eligi nullatenus possit.

§. 7. Quodque omnes, & singulæ Præposituræ præfatæ tam hac prima vice à primæva erectione huiusmodi, quâ deinceps, quoties illas, & earum quamlibet per cessum etiã ex causa permutationis vel decessum, seu quamvis aliam dimissionem, vel amissionem, aut privationem pro tempore existentium Præpositorum Cathedralium præfatorum, vel alias quovis modo etiam apud Sedem præfatam, ac etiam in aliquo ex mensibus in quibus vacantium officiorum, & beneficiorum Ecclesiasticorum collatio, & quævis alia dispositio nobis, & dictæ Sedi, etiam per constitutiones Apostolicas, seu Cancellariæ Apostolicæ regulis reservata existit, seu pro tempore fuerit, aut etiam Ordinarijs collatoribus per easdem constitutiones seu regulas, vel litteras alternativarum, aut alia privilegia, & indulta concessis hæctenus, & in posterum concedendis, simul vel successive vacare contigerit, & sex Primarum, sex Secundarum, ac sex Tertiæ Cathedralium Theologiæ, & utriusque Iuris Prudentiæ, huiusmodi lectoribus per Consules Iuratos, ac Rationalem, & Syndicum, necnon alios ad quos electio, & deputatio eorundem pertinet, prævio diligenti & rigoroso examine, ac alias iuxta ipsius Universitatis instituta, & laudabiles consuetudines eligendis & deputandis, perpetuo affectæ sint, & esse censeantur: ac illis nominationem, & electionem Consulium Iuratorum, Rationalis, & Syndici, ac aliorum intervenire debentium, & solitorum præfatorum sine aliquo obstaculo, ac omni impedimento & tergiversatione cessante (postquam in eius manibus Catholicæ Fidei professionem, iuxta articulos eisdem à Sede præfata propositos expresse emisserint) con-

Dà la forma de conferir las Paredrias.

ferantur, & assignentur, ac conferri, & assignari debeant; nec duæ ex eis per unum in simul villatenus obtineri debeant. Quodque singulæ Præposituræ huiusmodi sub nullis specialibus vel generalibus, etiam mentalibus reservationibus, affectionibus etiam in corpore Iuris clausis, necnon expectativis, coadiutorijs, mandatis, facultatibus, indultis providendo, coadiutando, aut alias disponendo, vel alijs gratijs præventivis, per nos, aut prædecessores nostros Romanos Pontifices pro tempore existentes, & dictam Sedem, vel eius Legatos etiam consideratione, & intuitu, ac contemplatione, seu ad instantiam Imperatoris, Regum, Reginarum, ac etiam S. R. E. Cardinalium, vel aliorum Principum, & ex quacunque causa quantumlibet urgenti pro tempore factis, comprehendantur, nec etiam tanquam vacantes apud Sedem præfatam, aut ulla alia ratione, generaliter, vel specialiter reservati, nec illorum vacatione per resignationem etiam ex causa permutationis, etiam apud Sedem eandem pro tempore occurrente, per nos aut pro tempore existentem Rom. Pont. vel Sedem huiusmodi de illis provideri, aut alias quoquomodo disponi possit, & quæcunque collationes, provisiones, commendæ, & aliæ dispositiones, quas ex nunc de cætero de Præposituris præfatis quibusvis personis alias quam per dictum Rectorem, ad nominationem & electionem Consulium Iuratorum, Rationalis, Syndici, ac aliorum ius nominandi huiusmodi habentium, quovis modo etiam per Sedem præfatam fieri contigerit, nullæ, & invalidæ nulliusque roboris, & momenti sint, & esse censentur, ac pro nullis, & infectis habeantur; nec cuiquam ius seu etiam coloratum possidendi titulum tribuat. Ad hæc nullus omnino Præpositorum præfatorum, Præposituram per eum pro tempore obtentam in alterius quam dicti Rectoris manibus, & id quidem libere resignare, aut dimittere, seu iuri sibi in eis vel ad illas competenti cedere, nec reservationi fructuum, reddituum, proventuum, iurium, obventionum, & emolumentorum, aut quotidianarum distributionum eiusdem Præposituræ, seu alicuius partis, eorum, aut pensionis annuæ, super eisdem consentire possit. Et quicumque ex ipsis Præpositis, per tres

Vaca la Pabordia, si un Paborde dextra de leer tres meses sin legitimo impedimento.

men-

mensēs continuos à legendi munere sibi pro tempore incumbente, legitimo cessante impedimento, per Rectorem, Consules Iuratos, Rationalem, & Syndicum prædictos approbando cessaverit, es tunc dictis tribus mensibus elapsis, Cathedra sibi assignata, & illi affecta Præpositura ipso iure & facto, absq. alia declaratione perpetuo privatus sit, & esse censeatur: indeq. sine spolij, & attentatorum vitio amoveri, ac Consules Iurati, Rationalis, & Syndicus cum cæteris in electione intervenire solitis, alium in illius sic privati, & amoti locum, ad Cathedram huiusmodi prævio examine, ac alias modo, & forma præmissis eligere & deputare: Rector vero prædicto sic electo, & deputato Præposituram eidem Cathedræ affectam, tanquam per privationem, & amotionem huiusmodi vacantem, nullo alio facto examine, omniq. exceptione & tergiversatione cessante, conferre & de illa etiam providere, ipsumq. in corporalem possessionem Cathedræ, & illi affectæ Præposituræ huiusmodi, iuriumq. & pertinen. suorum quorumcumque inducere debeat. Quodq. singuli Præpositi prædicti intra sex mensēs à die habitæ per eos possessionis suæ cuiusque Præposituræ, duodecim ad minus conclusiones, earum facultatum quas lecturi sunt, coram loci Ordinario, tanquam eiusdem Universitatis Cancellario à Sede prædicta deputato, ac prædictis Capitulo tueri teneantur: alioquin eisdem sex mensibus elapsis, omnibus indignibus, ipsis ratione suarum Præpositurarum huiusmodi cõpetentibus donec & quouisque eisdem conclusiones, ut præfertur, sustinuerint destituti remaneant.

§. 8. Cæterum ut virtutis æmulatione maiores fructus & progressus ibidem proveniant, ac cognitæ & spectatæ cuiusque doctrinæ convenientia præmia conferantur, quilibet Præpositorum prædictorum de inferiori ad superiorem Cathedram, per mutuum concursum, singulo, quoque triennio admitti, & si rigoroso examine prævio, magis idoneus repertus fuerit, ad superiorem Cathedram huiusmodi ascendere, & eo casu Præposituram eidem superiori Cathedræ affectam, tanquam ipso iure & facto vacantem consecui: alter vero evictus, ad aliam sibi adiudicandam Cathedram,

Un Pabordre puede oponerse à la Pabordia de otro prefado, un triennio, y llevarla por oposicion.

1100

dram, & illi affectam Præposituram transire debeat. Singuli quoque Præpositi Cathedralitici præfati; examini eorum qui ad Baccalaureatus, Licentiatuæ, Doctoratus, & Magisterij gradus; in sua cuiusque facultate pro tempore promovebuntur; intervenire possint, ac eandem portionem, ex emolumentis inde provenientes, quam singuli alij Examinatores, percipere debeant.

Cócede las distribuciones à los Pabordes miétras esté ocupados en la lición, y otros actos de sus facultades.

§. 9. Et jam ipsi Præpositi quam dictus Rector, omnibus illis horis, & temporibus; quibus suis officijs, & functionibus vocabunt, aut Scolarium disputationibus, examinationibus, promotionibus, alijsq. actibus publicis suæ cujusque facultatis, & professionis assistent; & intervenient; ad residendum in dicta Ecclesia Valentin. & illius Choro, ac interessendum divinis officijs minime teneantur: & nihilominus distributiones quotidianas percipiant & lucrentur, cùm ea integritate, qua illas perciperent, & lucrarentur si statutis horis & temporibus hujusmodi in ipsa Ecclesia Valentin. & illius Choro residerent, & divinis officijs interessent.

Ordena q los Pabordes Iurifconsultos aboguen en las causas de la Iglesia y los Theologos prediquen en ella debalde.

§. 10. Qui vero Præposituras primarum Cathedralium hujusmodi pro tempore obtinuerint, quando & quoties à præfatis Capitulo requisiti fuerint, in omnibus, & singulis litibus, causis, & negotijs Ecclesiæ Valentin. illiusq. Capituli hujusmodi, tam conjunctim, quam divisim (non tamen contra Universitatem Studij generalis, ac Communitatem, & Rempublicam Civitatis Valentin. huiusmodi) advocare, & patrocinari, ac consilium, & operam fideliter præstare, Theologi vero, verbum Dei in ipsa Ecclesia Valentin. prædicare, & concionari gratis, & absq. ulla prorsus mercede debeant, & teneantur, auctoritate, & tenore similibus pariter perpetuo statuimus, & ordinamus.

ord q el Claustro de hazer estatutos en ordè à las Cathedras.

Da facultad à el Claustro de hazer estatutos en ordè à las Cathedras.

§. 11. Necnon pro tempore existentibus Archiepiscopo Valentin. tanquam Cancellario, seu ejus Vicario, ac Rectori Universitatis, necnon Iuratis Consulibus; Rationali, & Syndico Civitatis Valentin. cæterisq. jus eligendi hujusmodi habentibus; ut vocatis, & adhibitis secum aliquibus dictæ Ecclesiæ Valentin. Canonicis, litterarum scientia, ac rerum usu præditis, quos ad hoc duxerint eligendos, ac alias juxta facultatem eis à præfato Alexandro prædecessore concessam,

cessam, quæcunque alia statuta, ordinationes, & decreta, ad electionem, deputationem, qualitates, onera, & servitia Lectorum Catechiatricorum huiusmodi pertinentia, ac alias in præmissis & circa ea necessaria, & opportuna licita tamen & honesta, ac Sacris Canonibus, & Concilij Tridentini decretis non contraria, condere, eaque postquam eondita fuerint, quoties pro illorum, ac rerum, & temporum qualitate, vel alias expediens videbitur mutare, corrigere, reformare, alterare, moderare, interpretari, ac in toto vel parte revocare atque alia de novo edere, libere, & licite valeant, auctoritate, & tenore præfatis de speciali gratia indulgemus.

§. 12. Decernentes præmissa omnia, necnon præsentis literas, nullo unquam tempore, etiam ex eo quod causa propter quas emanarunt, coram Ordinario loci, etiam tanquam Sedis præfatae delegato, vel alibi examinata, verificata, & approbata, ac ad id interessere habentes vocati non fuerint, neque ipsi illis consenserint, ac alio quocunque prætextu, de surreptionis, vel obreptionis, aut nullitatis vitio, seu intentionis nostre, vel alio, quovis defectu notari, impugnari, invalidari, ad terminos juris reduci, in jus vel controversiam revocari, aut adversus illas quocunque juris, facti, vel gratiæ remedium impetrari posse, nec sub quibusvis unionum, annexionum, incorporationum, suppressionum, extinctionum, separationum, dismembrationum, applicationum, approbationum, etiam effectum, non sortitarum, & aliarumq. similium vel dissimilium gratiarum revocationibus, suspensionibus, limitationibus, modificationibus, aut aliis contrariis dispositionibus, per nos seu alios Romanos Pontifices successores nostros, aut Sedem huiusmodi, etiam cum quibusvis derogatoriis derogatoriis, aliisque efficacioribus, & insolitis clausulis, necnon irritantibus, & aliis decretis pro tempore factis, etiam si de eisdem præsentibus, ac earum toto tenore & data, specialis specifica, expressa, & individua mentio fiat, comprehendi: sed tanquam in fidei Catholicæ, & divini cultus favorem, ac publicam utilitatem & salutem concessa, semper valida & efficacia fore, ac quoties illæ emanabunt, toties in pristinum, et eum in quo

Ponense las
clausulas
preservati
vas.

antea

14
antea erant statum, restituta, reposita, & plenarie reintegrata, ac de novo, etiam sub data per Consules Juratos, Rationalem, & Syndicum præfatos eorumque successores, ac alios, quos ipsæ præsentès literæ concernunt, & concernent in futurum eligenda, concessa esse.

Pone la
elaufula su-
blata, y el
decreto ir-
ritante.

§. 13 Sicq. per quoscunque Iudices ordinarios, vel De-
legatos quavis auctoritate fungentes, etiam causarum Pa-
latii Apostolici Auditores, ac S. R. E. Cardinales, sublata
eis & eorum cuilibet, quavis aliter judicandi, & interpretan-
di facultate & auctoritate, in quavis causa, & instantia, judi-
cari, ac diffiniri debere. Irritum quoque & inane, si secus su-
per his à quoquam, quavis auctoritate scienter, vel ignoran-
ter contigerit attentari.

Nombra
executores
al Arcobis-
po de Valé-
cia, al Obis-
po de Ori-
huela, y al
Arceobispo
mayor de
Valencia.

§. 14 Quo circa Venerabilibus Fratribus nostris, Ar-
chiepiscopo Valentin. & Episcopo Oriolen. ac Dilecto Fi-
lio Archidiacono Ecclesiæ Valent. per Apostolica scripta
mandamus, quatenus ipsi, vel duo, aut unus eorum, per se
vel alium, seu alios, præsentès literas, & in eis contèta quæ-
cunque vbi & quando opus fuerit, ac quoties pro parte, pro
tempore existentium Consulium Juratorum, Rationalis, &
Syndici, ac Præpositorum prædictorum, seu alicuius eorū
fuerint requisiti, solemniter publicantes, eisque in præmissis
efficacis defensionis præsidio assistentes, faciant auctorita-
te nostra, easdem præsentès & in eis contenta huiusmodi ab
omnibus ad quos spectat, & pro tempore spectabit, invio-
labiliter observari; ipsosque Consules Juratos, Rationalem,
& Syndicum, ac Præpositos pro tempore existentes, cæte-
rosque omnes, quos eadem præsentès quomodo libet concer-
nunt, & concernent in futurum, illis omnibus & singulis
pacifice frui, & gaudere, non permittentes eos, vel quem-
piam ex ipsis, desuper per quoscunque quomodolibet,
indebitè molestari, perturbari, vel inquietari. Contradictio-
res quoslibet, & rebelles, per sententias, censuras, & pœnas
ecclesiasticas, aliaque opportuna iuris & facti remedia, ap-
pellatione postposita compescendo, ac legitimis super his
habendis servatis processibus, sententias, censuras, & pœnas
ipsas etiam iteratis vicibus aggravando, invocato etiam ab
hoc, si opus fuerit, auxilio brachij secularis.

§. 15. Non obstantibus priori voluntate nostra, & alijs præmissis, ac Lateranen. Concilij novissimè celebrari, vñiones perpetuas, nisi in casibus à iure præmissis, fieri prohibentis, necnon piæ mem. Bonifacij Papæ VIII. etiam prædecessoris nostri, etiam illa qua cavetur, ne quis extra suam Civitatem, vel Diœc. nisi in certis expressis casibus, & in illis vltra vnam dietam à fine suæ Diœc. ad iudiciû evocetur; seu ne Iudices à Se de præfata deputati extra Civitatem, vel Diœces. in quibus deputati fuerint, contra quoscumque procedere, aut alii, vel alijs vices suas committere audeant, seu præsumât, & in Concilio generali ædita, de duabus dietis, dummodo vltra tres dietas, aliquis auctoritate præsentium ad iudiciû non trahatur: alijsque Apostolicis, ac in Provincialibus, & Synodalibus Concilij æditis, specialibus vel generalibus constitutionibus, & ordinationibus; necnon Ecclesiæ Valentin. & Universitatis huiusmodi, iuramento, confirmatione Apostolica, vel quavis firmitate alia roboratis, statutis, & consuetudinibus privilegij quoque indultis, & literis Apostolicis, illis, ac ipsius Ecclesiæ Valentin. Præfuli, pro tempore existenti, necnon Capitulo, Rectoribus, Consulibus Juratis, Rationali, & Syndico prædictis, ac quibusvis alijs personis, seu quibuscûque tenore & formis, ac cum quibusvis etiam derogatoriarû derogatorijs, alijsque efficacioribus, & insolitis clausulis, necnon irritantibus, & alijs decretis etiam ad Imperatoris, Regû, Reginarû, Ducû, vel aliorum Principum instantiam, seu etiam Moru proprio, & ex certa scientia, ac de Apostolicæ potestatis plenitudine, etiam consistorialiter, in genere, vel in specie, ac alias quomodolibet concessis, approbatis, & innovatis; quibus omnibus, etiam si de illis, eorumque totis tenor specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda esset, illis alias in suo robore permanfuris, hac vice dumtaxat, specialiter & expresse derogamus, contrarijs quibuscumque. Aut si aliqui super provisionibus sibi faciendis de officijs dictæ Ecclesiæ Valentin. speciales, vel alijs beneficijs Ecclesiasticis, in illis partibus generales, dictæ Sedis vel Legatorum eius literas impetrarint, etiam si per eas ad inhibitionem, reservationem, & decretum, vel alias quomodolibet sit processum, quas quidem literas, & processum habitos per eandem, ac inde secuta quæcumque, ad dictam Præposituram mensis Februarij volumus non extendi, sed nullum per hoc eis quoad assecutionem officiorum, vel beneficiorû

aliorum præiudiciū generari, & quibuslibet alijs privilegij, indulgentijs, & literis Apostolicis, quorumcumque tenorem existant, per quæ præsentibus non expressa vel totaliter non inserta, effectus earum impediri valeat quomodolibet, vel differri, & de quibus quorūque totis tenoribus habenda sit de verbo ad verbum in nostris literis mentio specialis, aut si aliquibus communiter vel divisim ab eadem sit Sede indultum, quod interdici, suspendi, vel excommunicari non possint per literas Apostolicas non facientes plenam & expressam, ac de verbo ad verbum de indulto huiusmodi mentionem.

D.P.Aa. 1.
30. Oct.

Nulli ergo, &c. nostræ absolutionis, suppressionis, extinctionis, erectionis, institutionis, applicationis, appropriationis, statuti, ordinationis, indulti, decreti, mandati, & derogationis infringere, &c. Si quis, &c. Datum Romæ apud sanctum Petrum anno Incarnationis Dominicæ millesimo quingentesimo octuagesimo quinto, tertio Kaled. Novembris, Pontificatus nostri anno primo.

Publicat.

Anno Incarnationis Dominicæ 1585. die 31. Octobris. Retroscripti Thomas, per Illustrissimū & Reverendissimum D. Petrum Cardin. Deza nuncupatum, resignationi, ad effectum suppressionis erectionis & applicationis retrospectarum; & Consules Jurati, Rationalis, & Syndicus Civitatis Valentiniæ, per Ioannem Baptistam Vives eorum respectivè Procuratores, ac literarum expeditioni consenserunt, &c. --- Pro Paride Doria Io. Baptista Zianus. ---

Es copia de la original que se halla en el Archivo de la Escribania mayor del Ayuntamiento de esta Ciudad de Valencia de mi cargo, con que concuerda, à que me refiero; de que para que conste donde convenga, en virtud de Acuerdo de esta Ilustre Ciudad, di la presente, en Valencia, en veinte y cinco dias del mes de Octubre de mil setecientos y diez y ocho años.